



Inatsisartuni ilaasortaq Justus Hansen  
Demokraatit

### § 37 naapertorlugu 2016-212-imut akissut

Brevdato: 16-08-2016  
Sags nr.2016 - 12178  
Dok. nr. 12476963

Asasara Justus Hansen

Apeqqutinut nassiussannut qujanaq. Matuma kinguliani apeqqutitit issuarneqarput, akissutitaannik malitseqartinneqarlutik:

Postboks 909  
3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

**1. Naalakkersuisut ineqarnermut akiliisarnermut aalajangiisartoqatigiinnik pilersitsinissaminnik pilersaaruteqarnerlutik, isumannaarinnittussaq namminersorlutik inissiaatillit ininut attartortunik akiliisitsivallaannginnissaannut? Kissaatigineqarpoq akissut akuersaerneruppat akuersaangippalluunniit tunngavilersukkamik akineqarnissaa.**

#### **Akissut:**

Naalakkersuisut namminersorlutik inissiaatileqatigiinnut ineqarnermut akiliisarnermut aalajangiisartoqatigiinnik pilersitsinissamik pilersaaruteqanngillat.

Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi aalajangersakkat arlallit attartortumut ajoqutaasumik saneqqunneqarsinnaanngillat. Taakkununga namminersorlutik inissiaatillit inissiaataanni ineqarnermut akiliutip, attartortitsisup aningaasalersuinermit aningaasartuutaanit uppersarneqarsimasunit, ingerlatsinermit aningaasartuutaanit uppersarneqarsimasunit aamma illup teknikkikkut aningaasaqarnikkullu nalinganut, diskontop affaata annertoqataanik erniorsitsinermit annertuneroqqusaanngitsup aalajangersarneqartarnera ilaavoq.

Attartortoq attartornermut isumaqatigiissutissamut najoqqutassaq, illuutitik attartortittakkanik inissartalinnik, Namminersorlutik Oqartussanit kommuninilluunniit pigineqanngitsunik attartornermut atorneqartussaq atoqqullugu kaammattorneqarpoq, taannalu uani nassaassaavoq: [www.naalakkersuisut.gl](http://www.naalakkersuisut.gl).

**2. Naalakkersuisut piumaffigineqarput missingersuusiussallutik namminersorlutik inissiaatillit aallaavigalugit ineqarnikkut akiliisarnermut aalajangiisartoqatigiit ingerlannera qanoq akeqassanersoq. Naalakkersuisunut eqqarsaatersuutigineqaqquvuttaaq ineqarnikkut akiliisarnermut maalaaruteqarfiup aalajangiisartoqatigiiviniq pilersitsisoqassannginnersoq ineqarnermut maalaaruteqarfik pioreersoq ilalerlugu, taamatuttaarlu aningaasartuutit qanoq isikkoqassanersut.**

**Akissut:**

Ilisimatitsissutigineqarsinnaavoq, Atuisunut Unammilleqatigiinnermullu Aqutsisoqarfik Ineqarnermut Maalaaruteqartarfimmut allattoqarfittut atuummat. Ineqarnermut Maalaaruteqartarfik aqutsisoqarfiup suliaasa ilaminiinnannguaat. Ineqarnermut maalaarutit ukiumut 40-nik amerlassuseqartarnissaannik missiliorneqartut AI 2016-imi takuneqarsinnaavoq. Kontomut pingaarnermut 62.30.01 Atuisunut Unammilleqatigiinnermullu Aqutsisoqarfik allaffissorneq, oqaasertaliussaq nr. 2-mi pisortat inissiaataannik attartortittakkanik attartortitsisumit inissiamut attartukkamut ataatsimut ineqarnermut maalaaruteqartarfimmut akitsuut aalajangersimasoq 66 koruuninut aalajangerneqarpoq. Tamatuma saniatigut ineqarnermut maalaaruteqartarfimmut maalaarummik tunniussinermi akitsuut annerpaamik 500 koruuninik annertussusilik akilerneqartussaavoq.

Illuutiniq attartortittakkanik inissialinnik, Namminersorlutik Oqartussanit kommuninilluunniit pigineqanngitsunik attartornermi attartornermut isumaqatigiissutissatut najoqqutassap, [www.naalackersuisut.gl-imi](http://www.naalackersuisut.gl-imi) nassaarineqarsinnaasup atorneratigut, attartornermut akiliutip attartortitsisup aningaasartuutaasa uppersarneqarsimasut, attartortumut paasiuminarnerulersitsisussat nalinginut aalajangerneqarnissaat qulakkeerneqarsinnaavoq.

Naalackersuisut naliliinerat malillugu ineqarnermut akiliisarnermut aalajangiisartoqatigiinnik nutaanik pilersitsisoqassappat, taanna Ineqarnermut Maalaaruteqartarfimmut ilaatinneqarsinnaanngilaq, § 84, imm. 1 naapertorlugu Ineqarnermut Maalaaruteqartarfiup pissutsit, ineqarnermut akiliutinik aalajangersaasarnermut tunngassuteqanngitsut kisiisa suliarisarmagit.

**3. Naalackersuisut qanoq suliniuteqarfigaat isumannaassallugu ininik attartortitsisartut Nuummi inissanik amigaateqarneq aallaavigalugu ineqarnermut akiliisarneq qaffasitsippallaannginnissaat?****Akissut:**

Naalackersuisut attartornermut isumaqatigiissummut najoqqutassamut, illuutini attartortittakkani inissialinni, Namminersorlutik Oqartussanit kommuninilluunniit pigineqanngitsuni, [www.naalackersuisut.gl-imi](http://www.naalackersuisut.gl-imi) nassaarineqarsinnaasumut innersuussippat. Inissianik attartortittakkanik neqerooruteqarnerit piumasaqarnerillu Naalackersuisunit ataqineqartarput, taakkunannga suliassaqarfimmut inatsisit malinneqaraangata.

**4. Naalackersuisut pineqartumut allanik paasissutissiisinaanerlutik?****Akissut:**

Danmarkimi kommunit tamarnik kommunit ataasiakkaarlutik imaluunniit kommunit allat peqatigalugit ineqarnermut akiliisarnermut aalajangiisartoqatigiinnik pilersitsinissamut pisussaaffeqarput.

Danmarkimi ineqarnermut akiliisarnermut aalajangiisartoqatigiinnut suliassamik tunniussiniaraanni, kommunimi illup inissisimaffigisaani ineqarnermut akiliisarnermut aalajangiisartoqatigiinnut saaffiginnittoqartussaavoq. Namminersorluni attartortitsisartumit inissiamik attartoraanni, attartornermilu naammaginngisanik atugaqaraanni, attartornermi atugassarititaasut Attartortitsinermit Inatsimmi aamma

Ineqarnermut Maleruagassiuussisarnermut Inatsimmi aalajangersakkat malinneqarnermut pillugu ineqarnermut akiliisarnermut aalajangiisartoqatigiit aalajangiitineqarsinnaapput.

Aalajangiisartoqatigiit suliami isummertinneqannginnerini attartortitsisoq attaveqarfigeqqarfigalugu aaqqiagiinngissutaasoq aaqqinneqarsinnaanersoq misileqqaarneqartussaavoq. Tamanna iluatsinngippat ineqarnermut akiliisarnermut aalajangiisartoqatigiit suliami nalileeqqullugit qinnuigineqarsinnaapput. Ineqarnermut akiliisarnermut aalajangiisartoqatigiinnut maalaarut allakkiaasussaavoq, tassungalu uppersaatit pisariaqartut, soorlu attartornermut isumaqatigiissutip assilinera, attartortitsisup ineqarnermut akiliutip qaffannissaanut ilimasaarutit allakkiaata assilinera, imaluunniit naammaginngisatut misigiffigisamut allakkiap assilinera ilanngunneqassapput.

Naalackersuisut ataatsimut naliliinerat malillugu ineqarnermut akiliisarnermut aalajangiisartoqatigiinnik matuma siuliani allaaserineqartunik pilersitsisoqarnerani pissarsiassat, tamatumunnga aningaasartuutissanut tamarmiusunut naapertuutinngillat. Erseqqissaatigineqassaaq, attartortut maanna suliakkiussassatik suliaritinniarlugit najukkami Eqqartuussivimmuut suliamik tunniussisinnaareemata.

Inussiarnersumik inuulluaqqusillunga

Knud Kristiansen